



Forz' electrica - definiziun "contribuziun al man public" per l'on 2019

Minch'on ston ils cumüns definir l'import chi vain indemnisà pels drets da passagi/transport d'energia, la "contribuziun al man public". Illas fracziuns da Brail, Zernez, Susch e Lavin pajan ils abitants fin uossa 0.6 raps/ukw. La suprastanza ha decis da laschar l'import eir pel 2019 sco fin uossa. L'import da 1.5 raps/ukw pel proget Zernez Energia 2020 vain inchaschè eir in avegnir be illa fracziun da Zernez.

Adressas novas illas fracziuns da Brail, Zernez e Susch – decisiun da princip

La Confederaziun sco eir il Chantun Grischun pretendan cha'ls cumüns s'occupan da las novas adressas uffizialas illas fracziuns da Brail, Zernez e Susch. Illa fracziun da Lavin es quist proget fingià gnü serrà giò da l'on 2015. L'inizi dal proget es gnü sancziunà.

Coworking Graubünden - decisiun da princip

La suprastanza cumünala ha deliberà ün credit per la prüma fasa da partenza dal proget per realisar üna Coworking Space i'l Cumün da Zernez. In ün prüm pass esa previs cha la firma Coworking Graubünden spordscha lavuratori per la populaziun, quai impustüt eir per sclerir ils bsögns e per definir las spüertas pussiblas in cumün.

Regiun EBVM - cunvegns da prestaziun

L'organisaziun Regiun Engiadina Bassa Val Müstair ha suottamiss als singuls cumüns la cunvegna da prestaziun per garantir inavant l'organisaziun cumünaivla dal ramassamaint d'immundizchas sco eir la cunvegna da surdatta d'incumbenzas cumünalas. La suprastanza ha sancziunà tuottas duos cunvegns.

Radunanza cumünala dals 21 avuost 2018

Causa mancanza da tractandas ha la suprastanza decis da desister sün l'organisaziun da la radunanza cumünala dals 21 avuost 2018.

Infuormaziun proget Aivla

Per gestir la surviglianza dals differents provedimaints dals Cumün da Zernez as ha s-chaffi ün nouv sistem d'alarmaziun. Per part es il sistem fingià in funcziun e vain fat adöver da divers provedimaints cumünals. Il proget vain tut a cogniziun in sen positiv.